

Hauora Kaupae 1

Tautuhinga Aromatawai Ā-Waho 2024

Te Paerewa Paetae

92058

Te Ingoa

Te tautohu i ngā āhuetanga matua o te kaitiakitanga me te hononga ki te oranga

Te Marautanga

Te Marautanga o Aotearoa

Te Wāhanga Ako

Hauora

Ngā Whiwhinga

E 5

Te Tukanga Aromatawai

He Kete Manarua

Te Wā Tuku Aromatawai

Te 1 o Oketopa 2024 ki te 30 o Oketopa 2024

Kete Manarua

Ko te KETE i pū mai i te pā harakeke, he whakapapa tōna.

He MANA tōna, e rua ōna āhuetanga; Kātahi: Ko ngā taonga tuku iho ka kohikohia e te ākonga. Ka rua: He whakapiki i te mana motuhake o te ākonga, ōna hapū, ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuinga, he pūrongo, he whakaaturanga, he rātaka, he mahi rangahau aha atu aha atu.

Te Whakatakotoranga Aromatawai

Ka whakaatu te ākonga i tōna mārāma ki te kaitiakitanga o tētahi taonga tuku iho a tōna whānau rānei, a tōna hapū rānei, a tōna iwi rānei. Ka taunaki te ākonga i ngā kōrero tuku iho e pā ana ki te taonga ki ngā āhuetanga matua o te kaitiakitanga me ngā hononga ki te oranga.

E whai ake nei, ko ētahi taurira o ngā āhuetanga hei whai mā te ākonga.

Te Kaitiakitanga:

He tirohanga Māori ki ngā āhuetanga o te āta tiaki i te taiao me ōna rawa, tae noa atu ki ngā taonga tuku iho.

Ngā āhuetanga matua o te kaitiakitanga

- Te mauri me te tapu.
- Te āhua/tikanga o te kaitiakitanga i ngā wā o mua, o nāianei hoki.

- Ngā kaitiaki me ngā mea e tiakina ana e rātou.
- Te mana whenua me te ahikā.
- Te mana whakaheke/te mana tūpuna.
- Te whakapapa.
- Ngā rāhui.
- Ngā ture o nāianeī, pēnei i te Ture Whakahaere Rawa.

Te hononga ki te oranga

- Ngā pānga ki te mana, ki ngā kawenga hoki a te whānau, a te iwi hei kaitiaki taonga.
- Te whakaora ake i ngā āhuetanga matua o te kaitiakitanga hei tikanga tuku iho.
- Te pupuri i ngā tikanga tuku iho a te whānau, a te hapū, a te iwi hoki.
- Ngā pānga ki te mauri o te whenua me te taiao.
- Ngā pānga ki ngā uri whakaheke.

Ka whakaemi te ākonga i ngā mahi katoa, ka whakaraupapa ai hei taunakitanga mō te Kete Manarua.

Anei ngā momo taunakitanga hei rau atu ki te Kete Manarua. Mā te ākonga tētahi, ētahi rānei e kōwhiri hei taunaki i āna mahi:

- | | |
|--|---|
| • Tētahi kiriata me tētahi kōrero akiaki | Me 2 meneti te kiriata, me kotahi me te haurua meneti te kōrero |
| • Tētahi kiriata me tētahi whakamārama | Me 2 meneti te kiriata, me 150 ngā kupu i te whakamārama. |
| • Tētahi kiriata | Me 2 ki te 4 meneti. |
| • Tētahi kōrero ā-waha | Me 2 ki te 4 meneti. |
| • Tētahi MP4 | Me 2 ki te 4 meneti. |
| • Tētahi rauatame, tētahi hopukanga reo | Me 2 ki te 4 meneti. |
| • Tētahi rauata | Me 4 ki te 6 meneti. |
| • Tētahi rārangi wā | Me kotahi meneti te mōkito. |
| • Tētahi tuhinga | Me 200 ki te 300 ngā kupu. |
| • Tētahi uiuinga | Me 2 ki te 4 meneti. |
| • Tētahi whakaaturanga | Me 2 ki te 4 meneti. |

Ngā Herenga Aromatawai

He mahi takitahi tēnei mahi nā te ākonga; me te whakatakoto taunakitanga mō te aromatawai ā-waho. He Kete Manarua ā-matihiko anake.

Kia tutuki pai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te Online Digital Submission Portal;
- me tika te whakaraupapatanga o ngā mahi;
- me tika te whakatakotoranga o ngā mahi (kia kaua e noho tītaha, huripoki rānei);
- me tāmāua te kiriata ki te tītohunga ataata, ā, kua rāhuitia te tukuhanga noa i te honongaitua me tana kōtahi.

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi o ngā ākonga? He tukanga, he taunakitanga e mōhiotia ai nā te ākonga ake āna mahi aromatawai. Kia mataara ngā ākonga, ngā kaiako me te whānau o te kura hoki ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki te tangata | puna awhina;
- Ngā momo puna awhina, puna kōrero rānei:
 - » Kōrero ā-waha: he uiui kaumātua, pakeke, rangatira, mātanga rānei;
 - » Ngā pukapuka i whakaputa;
 - » Ngā pukapuka kāore i whakaputa;
 - » Wāhitau ipurangi.

He kōrero anō i ngā wāhitau ipurangi o te paetukutuku NZQA:

- [Authenticity :: NZQA](#)
- [Myth 3 Managing authenticity :: NZQA](#)
- [Authenticity of externally assessed standards :: NZQA](#)
- [Guidance on the acceptable use of Artificial Intelligence :: NZQA](#)

Te Tāpaetanga me te Hāponotanga

Ko ngā tāpaenga Kete Manarua me mahi mā te pūnaha hou (kei te pae ipurangi matua o MyNZQA): [Tāpaetanga pūnaha hou NZQA](#).

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina ki te tuku atu i ngā tāpaenga Kete Manarua:

- Īmera mai ki assessment.servicecentre@nzqa.govt.nz,
- waea rānei i te NZQA Contact Centre mā te nama 0800 687 296.